

Na osnovu člana 13. stav 2. Zakona o principima lokalne samouprave u Federaciji BiH („Službene novine FBiH“ br. 49/06 i 51/09), članova 10. i 68. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04), Općinsko vijeće Općine Centar Sarajevo, na 13. redovnoj sjednici, održanoj dana 23.12.2025. godine, donijelo je

ODLUKU O DAVANJU SAGLASNOSTI SARAJEVSKOM RATNOM TEATRU (SARTR) ZA PRIVREMENO KORIŠTENJE STANA U SVRHU ODLAGANJA MATERIJALA

Član 1.

Sarajevskom ratnom teatru (SARTR), sa sjedištem u Sarajevu, ulica Gabelina broj 16, daje se saglasnost za privremeno korištenje stambenog prostora koji se nalazi u Sarajevu, u ulici Hadži Idrizova broj 16/pr, ukupne površine 25 m², šifra stana 073-011-001.

Član 2.

Saglasnost iz člana 1. ove Odluke daje se u svrhu privremenog odlaganja scenografije i rekvizita Sarajevskog ratnog teatra (SARTR), a zbog izvođenja radova na rekonstrukciji evakuacijskih izlaza, te zamjeni elektroenergetskih i mašinskih instalacija u prostoru sale i scene predmetne ustanove.

~~Korisnik se uvodi u posjed stana zapisničkim putem, a period korištenja traje šest (6) mjeseci od dana uvođenja u posjed.~~

~~Po isteku navedenog perioda, korisnik je dužan stan, potpuno prazan i slobodan od lica i stvari, zapisnički predati u posjed vlasniku – Općini Centar Sarajevo, bez potrebe za posebnim pozivom ili opomenom.~~

Član 3.

~~Korisnik je dužan stan koristiti s pažnjom dobrog domaćina, na način kojim se ne narušavaju uslovi stanovanja i života u zgradi, te snosi punu materijalnu i svaku drugu odgovornost za štetu nastalu uslijed korištenja stana, izuzev štete nastale redovnim korištenjem.~~

~~Korisniku nije dozvoljeno mijenjati namjenu stana, niti vršiti građevinske, instalacione, adaptacione ili druge intervencije.~~

U slučaju prestanka potrebe za korištenjem stana prije isteka roka iz stava 2. ovog člana, korisnik je dužan o tome obavijestiti Općinu Centar Sarajevo najmanje 15 dana prije dana planiranog vraćanja stana.

Troškove redovnog održavanja (struja, voda, plin, odvoz smeća, naknada za održavanje zajedničkih dijelova zgrade ovlaštenom upravitelju, itd.) čišćenja i eventualnih manjih intervencija tokom perioda korištenja stana, snosi korisnik.

Član 4.

Kontrolu nad korištenjem stana iz člana 1. ove Odluke provodit će Služba za stambene i komunalne poslove Općine Centar Sarajevo, putem ovlaštenog kontrolora stambenog fonda.

Broj: 01-19-7648/25

Datum: 23.12.2025. godine



Predsjedavajući Općinskog vijeća

Benjamin Isović

Ova odluka je objavljena na Oglasnoj ploči Općine Centar dana

26-12-2025